

棠湖詩稿
三山鄭菊山先生清雋集
所南翁一百二十圖詩集
剪綃集







棠湖詩稿

岳珂著

編主五雲王

編初成集書叢

種三他其及稿詩湖棠

中華民國二十六年十二月初版

徐嚴

發行人

王雲五
長沙南正路

印刷所

商務印書館
長沙南正路

發行所

商務印書館
各埠

（本書校對者 徐壽齡 殷師竹）

棠湖詩稿

宋 相臺岳 珂肅之撰

宮詞一百首

宮詞自唐以來有之。如王建則世託近倖。花葉則身處宮闈。故其所述。皆耳聞目見。後之倣其體者。徒想像而言。未必近似。反流於褻俚者多矣。珂幼好其詞。嘗擬採其音律。以肆於毫簡。竊謂苟匪止乎禮義。有以寓諷諫。美形容。均爲無益。而困於公牒。有志未遂。比因棠湖綸釣之暇。適猶子規從軍。自汴歸。誦言宮殿鐘簾。儼然猶在。慨想東都盛際。文物典章之偉。觀聖君賢臣之懿範。瞭然在目。輒用其體。成一百首。以示黍離宗周之未忘。其閒事核文詳。監今陳古。固有不待美刺而足以具文見意者。輶軒下采。或者轉而上徹。乙夜之觀。庶幾有補於萬一云。

五色雲煙覆帝城。御溝流水接金明。曉來珂繖沙堤鬧。萬歲聲中賀太平。

右一

一朵祥雲捧赭袍。九天春色醉仙桃。教坊度曲聲催酒。折檻雙瞻舞袖高。

右二

天街御膳寫臣封。隨例朝朝進六宮。後苑日高催泛索。茶牀擎出繡雲龍。

右三

五夜鐘聲上直時。焚香重熨早朝衣。裹頭殿直催排立。等候君王出木圍。

右四

雉扇雙分對聖顏。紫宸上闔正催班。退朝花底紛歸騎。春在金門萬柳間。

右五

內省催班立御廊。紫宸朝退侍君王。尙宮直筆呈章奏。一縷金猊繞殿香。

右六

黎明新火下龍墀。御柳青煙冷食時。別殿焚香催賜宴。傳宣教進謝恩詩。

右七

端辰帖子縷黃金。詞苑題來禁籞深。共道萬方欣解慍。南風已奏舜鳴琴。

右八

太液沉雲冷寢孤。宮簾卷月掛珊瑚。插天樓殿涼如洗。好是承平七夕圖。

右九

銀罌翠筥恰冬時。近臘金門賜口脂。無數槐籠擎積雪。日華漸上萬年枝。

右十

上黨王師未凱旋，鸞旗黃鉞正行邊。
紅塵一騎傳天使，爲送宮中則劇錢。
右十一

六師夜撤廣陵圍，積甲蕪城一樣齊。
淮海祗今清撤底，更留京觀築鯨鯢。
右十二

夜深雪壓內門前，一榻還驚四壁天。
上相傳觴妻擁炭，歸來鼾息頓安眠。
右十三

闕門雙鳳鑄黃金，柳色宮溝轉綠陰。
闕盡四門繩樣直，萬方同見一人心。
右十四

曠騷雙馳挽六鈞，一枝花葉委紅塵。
相輝樓下空排馬，徒見寧王奉太真。
右十五

奎躔五緯驗連珠，瑞紀人文啓聖符。
一札鐵衣天下誦，千山黑處起金烏。
右十六

駕前校臘起封狐，御箭親彎金僕姑。
萬騎嵩呼開電笑，吾皇神武古今無。
右十七

麟麟車馬送降酋，紗帽重瞳伏御樓。
三度金門聽露布，今晨又見下昇州。

右十八

雒壇燿火夜升煙。鹵簿如雲繡色鮮。萬姓歡呼還感泣。此生重遇太平年。

右十九

尙方絕製別精鏐。寶帶親傳鎮庫收。二十八條真紫磨。人間那識紫雲樓。

右二十

并汾簞食望親征。儒館詩歌繼有聲。黃繖登臺城夜啓。參旗不展泰階平。

右二十一

侍宴羣儒立絳都。太清樓下望金輿。御前棗刻親摹寫。手賜新鐫古法書。

右二十二

燕臺膽落夏臺臣。萬國衣冠拱帝宸。更把文風兼教雨。一時淨洗舊邊塵。

右二十三

十里金明貫寶津。鴨頭新綠水粼粼。玉卮齊獻堯階壽。柳色花光一樣春。

右二十四

金門內使走天街。當殿親收宰相才。一榜盡除州別駕。謝恩未了杏園開。

右二十五

昇龍門內屋千楹。玉宇金題映紫庭。卷帙異書三十萬。至今光彩動奎星。

右二十六

龍鸞騫舞寫宸章。祕閣交輝白玉堂。格是帝中稱第一。不交合作羨鍾王。

右二十七

金根載耜赴齋宮。曉日東郊望六龍。肯爲三推便回輦。直須終畝勸耕農。

右二十八

乾元朵殿立黃麾。淳化新行入閣儀。鳴佩聲搖珠網近。夔龍先集鳳凰池。

右二十九

近僚三館集簪綵。後苑千花簇水涯。御網紅絲躍金鯉。龍韜更待釣璜師。

右三十

繡旗城上展黃龍。萬歲歡傳萬壘同。霹靂一聲妖彗殞。捷書清曙入行宮。

右三十一

五原塞上歎呼韓。春草新迷拜將壇。從此車書三萬里。邊臣日日奏平安。

右三十二

屬車望幸隘東方。珠帟金吾夾道旁。卻笑毗黎驚鹵簿。只知官是綠衣郎。

右三十三

紫金泥檢看東封。邊燧沉煙歲屢豐。一曲步虛傳御製。綠章初奏玉清宮。

右三十四

龍鱗鸞路祀汾睢。玉檢重開煥上儀。莫詫漢家躬武節。祗今千里巨旌旗。

右三十五

注輦衣冠聽九臚。周家王會看新圖。儀鸞扇篋瞻朝退。掃地金蓮撒殿珠。

右三十六

官簾匝地晝陰移。紅拂金壺殿腳隨。玉鳳墜釵心暗卜。聖情有喜近臣知。

右三十七

內家傳奏走金貂。不待君王退早朝。親見雲開天一笑。袖將犀果賜臣僚。

右三十八

外庭公事近今稀。瓊鈕金跗試墨池。清景殿前春晝永。百篇書事寫新詩。

右三十九

東華銀榜麗卿雲。資善新開列近臣。昨夜清臺占上瑞。樂章已奏月重輪。

右四十

昭陽殿裏兩枝春。粵粵曾承雨露恩。自是百王無聖斷。犴車雙出內東門。

右四十一

天章閣下午陰移。十事封章奏玉墀。帝賚一夔兼一禹。爲時扶立太平基。

右四十二

清曉鳴鞭下禁除。迎陽紅日耀金鋪。輔臣賜坐宣儒館。同閱觀文鑿古圖。

右四十三

塞垣戰罷五單于。北驛吹塵捧國書。欲識天聲震夷貊。契丹新進九龍車。

右四十四

旄頭闕戟奉皮軒。禽獻三驅禮意存。未向長楊搏熊虎。先看萬騎獵楊村。

右四十五

玉階授鉞借前籌。上相提兵破貝州。騎火照山催召驛。紫宸殿上啓金甌。

右四十六

把麻宣讀趁朝參。百辟爭傳兩相銜。便覺太平元有象。肯教夢卜羨商巖。

右四十七

狄家天使夜行邊。穆卜親占百字錢。五嶺共看蕃落馬。便將時雨洗蠻煙。

右四十八

治定功成第四朝。八音純繹度英韶。儀鳳舞獸今千載。還見安安似帝堯。

右四十九

合宮復古肇精禋。心學重開聖制新。廣殿邃嚴金作榜。自將明德逆三神。

右五十

玉輦三朝奉至尊。並開朱邸傍金門。綵車日日朝慈壽。親見含飴慶弄孫。

右五十一

麟麟翟輅八變鳴。佐餞瑤池奉玉觥。一事百王元未有。聖人仍是聖人甥。

右五十二

後元富庶冠西京。萬國謳歌仰聖明。恭儉斷知元不改。太平天子法周成。

右五十三

氈廈鴻儒影侍纓。百年豐芑燕承平。上方親述先朝志。黃繖清晨下邇英。

右五十四

仙源瓜瓞慶絲絲。玉葉金枝億萬年。天意睦親流聖澤。已增宮院講書員。

右五十五

新渠瀾瀾漾波深。千里桑麻藹碧陰。喜動天顏古循吏。催教增秩賜黃金。
右五十六

聖心如鏡靜蟬娟。欲仗元龜監已然。通志一編新進御。漢宮五夜翦金蓮。
右五十七

天都萬騎集生羌。大順城頭赤白囊。一鏃狂酋驚褫魄。夜來弧矢直天狼。
右五十八

治平嘉祐闡重光。煥幄龍鱗繡黼張。聖德共知天與子。觚壇燿火拜新陽。

右五十九

道山雲氣隔塵埃。制詔中書選茂才。藜照何須煩太乙。要觀數世育臺萊。
右六十

先傳陝右定天都。西域新來汗血駒。舊府折衝三十六。盡依銅虎鑄兵符。
右六十一

池上繁紅沁曙霞。喧天簫吹教坊家。龍舟近晚傳回輦。催進姚黃一朵花。
右六十二

露布銀臺聽捷鈴。把呈御藥屬頭廳。早朝見說天顏喜。新復河西十二城。

右六十三

丁丁宮漏滴金壺。璧筦龍媒薦玉蜍。燈火闌珊歌舞散。睿思殿裏答邊書。

右六十四

真珠按轡蹙雙龍。西母頒來慶壽宮。聞道先朝開國日。降王曾服尙方工。

右六十五

曲臺稱制會羣儒。郊廟休疑聚訟殊。卻笑執經俟臨決。枉教白虎議西都。

右六十六

鴉山凌曉度先鋒。泣穴鼯鼯已滅蹤。天子聖明知萬里。歸徠州下拆泥封。

右六十七

萬里燕雲慮正深。赭袍衿甲被黃金。思文聖主師文母。猶待瑤池稟玉音。

右六十八

令僕初開政事廳。內前車馬沸昇平。翠華先幸尙書省。讀徧周官四摺屏。

右六十九

樂府仙韶奏九成。披香別殿瑞煙凝。紫雲不待傳新曲。春在瑤臺第一層。

右七十

宰相初除司馬家。正衙昨日聽宣麻。京都百萬人歡喜。爭築新堤十里沙。

右七十一

寶慈殿裏百花香。慈德宮前春晝長。紅繖龍輿尊聖瑞。三宮同捧萬年觴。

右七十二

繡裳畫袞地垂雲。風動槐龍舞玉宸。鈴索不搖鐘漏永。驪珠滿袖寵詞臣。

右七十三

鬼章夜縛下洮城。祝冊先朝永裕陵。二聖止戈元有指。未教狡穴盡秋鷹。

右七十四

貂冠駘背侍龍顏。前殿師臣第一班。坐使皇基增九鼎。得賢應許繼南山。

右七十五

洛京韞積起儒珍。進講忠規德日新。禁苑金絲舞垂柳。萬方已被發生仁。

右七十六

鳳儀魚躍更龍拏。傳寶猶矜趙璧瑕。一夜神光照東井。天教景命屬天家。

右七十七

宮樣新裝錦襯鮮。都人爭服孟家蟬。天心誰識開真瑞。待見中興第十傳。

右七十八

今年下詔復河湟。峽路王師出省章。已報龍支新拓境。更開屬國處降羌。

右七十九

未央樓殿倚天開。東北偏高是月臺。馳道都人渾慣識。星毬爭指大家來。

右八十

壽星頻見大河清。宮殿金芝產九莖。樂府詞臣初應制。勅催院使按新聲。

右八十一

瑞雲擎出捧珠龍。十二時堂建合宮。□□頒常同正朔。要令聲教混華戎。

右八十二

午夜紅光照禁中。貢金鑄鼎効神工。羣臣稱瑞頻騰奏。及見祥雲鶴舞空。

右八十三

大晟新頒雅樂名。鈞天九奏雜英莖。君王元是身爲度。何待龍門聽水聲。

右八十四

翠麓連縣氣屬天。岿巍艮嶽繞芝田。瑞禽可是曾迎駕。萬歲山頭識靜鞭。

右八十五

神霄九府絢雲霞。寶籙仙衣御絳紗。擲火流鈴傳帝蹕。業珠殿裏降青華。

右八十六

□宮壁柱帶金缸。複道橫虹結綺窗。半道牙牌奏人辦。御舟纔過□□□。

右八十七

宣曲長楊御宿邊。期門屹立內門前。主人不解占星象。猶識紅條白玉拳。

右八十八

殿前舞罷聽傳宣。新學霓裳小絳仙。取賜合同教請寶。御書新樣鑄金錢。

右八十九

鰲山綵締聳仙峯。萬盞華燈寶籙宮。金字大書雙鳳闕。宣和衆樂與民同。

右九十

追成栗玉□□冠。網綴紅絲七寶欄。□□宮前看進輦。天旋地□□□歎。

右九十一

折檻朱雲諫未休。一封曾斬佞臣頭。猶憐不及先朝議。遺恨山河繞雍州。

右九十二

圍場望幸絕長楊。汴水塵高御柳黃。萬姓爭傳天子聖。新來有旨罷鷹坊。

右九十三

黃門紫詔下蒿萊。一札風雷衆正開。四海傾心比葵藿。黃金已報築燕臺。

右九十四

三更內省奏邊機。闔子門頭等御批。坐待報籌呼絳幘。上陽曉色已多時。

右九十五

詔旨今年法祖宗。御前無復舊斜封。震雷驚落姦邪膽。見說崇山放四凶。

右九十六

羣才錯落彙征初。猶是仁皇四世儲。履坦幽人已逢吉。更無學術自荆舒。

右九十七

金花詔紙夜封芹。首錄先朝社稷臣。貫日精忠格天業。羌胡勿謂漢無人。

右九十八

金城十仞據陽池。三鎮高扃死不隨。自是天恩浹肌髓。不關左袵限戎夷。

右九十九

鬱蔥佳氣藹南都。共識彊華赤伏符。地紀已占江渡馬。天心定見屋流烏。

右一百

予家舊藏宋本棠湖詩稿一卷。凡宮詞一百首。倦翁岳氏感其猶子從軍於汴而歸。因追述東京文物典章。以寓黍離宗周之思者也。蓋成於端平初元。金亡之歲。時年五十有二。世所傳玉楮集。乃嘉熙戊戌以後作。故開禧初。經進百韻詩。及此百篇者。皆不入集。此本卷首有汲古閣及宋本甲諸印。是琴川毛氏故物。毛斧季秘本書目。以倦翁宮詞與許棐梅屋詞。俱人間絕無之本。卽此本也。河閒紀氏未之見。乃謂宋以來公私書目。悉不著錄。遂疑爲厲樊榭符幼魯諸家北宋雜事詩之遺稿。而嫁名倦翁者。亦近於臆斷矣。卷末稱臨安府棚北大街陳氏印行者。卽書坊陳起解元也。曹斯棟稗販以南宋名賢遺集刊於臨安府棚北大街者爲陳思。而謂陳起自居睦親坊。然予所見名賢諸集。亦有稱棚北大街睦親坊陳解元書籍鋪印行者。是不爲二地。且起之字芸芸思之字續芸。又疑思爲起之後人也。棠湖之名。諸郡國往往有之。岳忠武傳云。居母憂。扶藪還廬山。程史云。余居負山。在濫城之中。是岳氏南渡後。居今江西之德化。所謂負山者。其柴桑之山與。此棠湖卽唐李渤甘棠湖故址。一名景星湖。又名南湖者也。倦翁撰顛天辨誣之書。取吾邑金陀坊以名其編。蓋嘉定閒守樵李有別業存焉。然觀己亥初還故宮詩云。元是廬山莫逆交。宮亭西畔著衡茅。是晚歲仍歸濫城也。予欲譜翁生平梗概而未暇。涉獵所及。編年別紙。錄於此書之末。俟異日終竟成之。道光辛巳黃鍾之月嘉興錢儀吉謹跋。



三山鄭菊山先生清雋集

撰 起 鄭
選 遠 仇

三山鄭菊山先生清雋集

本館據知不足齋
叢書本排印初編
各叢書僅有此本

三山鄭菊山先生清雋集序

雋粗覓切

儒有古君子之風。始可以曰儒。儒非止於文章之謂。文章者。所以發揚其實詣。而著見於實理也。豈可空有其名哉。

鄭菊山先生。蓋抱其實而當其名者也。在昔林慮齋周伯弼行輩。當時人物。林林焉如龍虎不可測。如鳳凰不可覩。非有以自植立於天地閒。何以與諸公相參錯。照耀一世豪傑之耳目耶。曩聞先兄秋堂先生望曰。先生人物昂然。氣節挺然。議古喻今。無不的當。惜不見用於時。然所言皆正大。所守甚清苦。其古君子歟。早年遊京師。卽有聲。晚年嘗主安定和靜二書院。講明道學。學者益尊敬。後註易。將脫橐而逝。頗多雜著文章。有詩曰倦遊橐。今山村仇君撫四十首。曰清雋集。遂冠於所南翁一百二十圖詩之首。庶幾知有所本。橋梓輝映。抑亦俱有光焉。菊山先生諱□字叔起。福州連江透鄉人。慶元己未生。景定壬戌卒。葬於吳中甌山。所南翁名思肖。字億翁。併序及之。大德五年。後學鄱陽道約柴志道序。

三山鄭菊山先生清雋集

山村仇遠仁近選

爛柯山

春風萬古洞門開。塵世興亡是幾回。碁局至今無處覓。樵人於此遇仙來。飛梁橫跨丹虹影。絕頂平鋪白玉堆。天下紛紛無好著。斜陽下嶺共徘徊。

卜居

久欲謀歸力不任。浮雲蹤跡謾巢林。功名未入屠龍手。貧賤常懷買鶴心。月下開門微雨過。樓頭聞笛二更深。世閒萬事俱陳迹。空倚西風閱古今。

自黃山還塗中作

屈指還京十日程。每逢歇處問村名。春沙脈脈溪初漲。夜雨垂垂曉又晴。山下有人傳虎出。店中炊飯見牛鳴。天涯行客無寧日。不及田家業在耕。

謁岳王墳

我來拜謁岳王墳。松柏蒼蒼上宿雲。臣子報君終一死。權姦賣國欲中分。鷹揚當日誰能及。鴈叫中原不可聞。石馬石人山寂寂。英雄於此憶將軍。

次照晦巖韻

便騎老虎不須鞍。忍辱仙人出宰官。入內講經千佛現。跏趺對御六龍寒。指頭有月娑羅冷。舌上懸河海水乾。聖主賜衣漫大地。西方國土未爲寬。

再登南樓

客中重上倚層臺。天闊雲收八面開。鴈帶岳陽秋曉過。浪涵巴峽影西來。諸營種柳今何在。老子登樓得幾回。自是江山雄壯處。興亡不必問寒灰。

思耕

江湖漸老身。山澤本來心。經濟不敢問。耕耘猶可尋。一頃半頃許。三更二更深。親朋相接近。雞酒開塵襟。登荆南城樓。

因爲古荊州。翻成一段愁。孟嘉曾落帽。王粲此登樓。唐鄧通襄路。沱潛竝漢流。太平官府盛。昔日欠來遊。宿虎丘。

到晚歸不去。因而此宿休。雲深千古寺。月冷一天秋。崖裂池如束。天虛塔欲浮。最宜初日上。高處看煙收。宿洞霄山中。

入山時八月。嵐氣似深冬。巖洞生風雨。窠巢落檜松。山中九重鎖。月下一聲鐘。警省非人世。今秋得異逢。喜靜。

素來嫌僻靜。今漸與相安。師友凋零盡。年時出處難。春風雙屐暖。夜雨一燈寒。洙泗曾顏輩。何曾作好官。
餘杭界早發

早發促程期。籃輿帶月低。山中如白晝。斗下渡清溪。羣動霜初落。四鄰鷄未啼。惟聞兵遞鋪。星急過淮西。
餘杭道上

五年茲路上。頻往又頻還。歲月孤松老。風霜苦竹斑。溪流天目水。雲出洞霄山。馬上因閑眺。蜉蝣宇宙閒。
病後

漸懶說功名。修真喜道經。淒涼秋聽雨。空闊夜觀星。有病色先見。無心夢最靈。塔前風葉響。還又感飄零。
歸去好

歸去豈不好。平田帶淺林。春猿鳴雪澗。晴日上雲岑。世久無鳴犢。時當學展禽。吾生今老矣。梁甫豈能吟。
送友人之淮

積得讀書身。從教此道貧。逢秋爲遠客。知己是何人。天下方多事。西風至不仁。但於登眺處。杯酒莫辭頻。
吳江三高祠堂

吾拜三高堂。三高在何許。香爐上蒼苔。破屋落大甕。音雨。石泐水彈痕。地洞龍潛處。清魂汗漫游。芳名垂萬古。

吳江太湖龍王殿

吾謁龍王殿。龍王在何許。太湖三萬頃。水族龍爲主。離離明月宮。渺渺寒煙渚。天下有旱蝗。吾亦能行雨。

荆南別賈制書東歸

來時秋雨滿江樓。歸日春風度客舟。回首荆南天一角。月明吹笛下揚州。

送友人之鄂

湖海聲名落搢紳。由江而鄂遡鱗鱗。煩君黃鶴樓頭看。天下英雄有幾人。

晚春卽事

輕寒時節牡丹開。葉底青青又見梅。門外數枝楊柳薄。一春鶯燕不曾來。

荆江口望見君山

荆江江口望漫漫。一白無邊夕照寒。只是青雲浮水上。教人錯認作山看。

繁昌江邊見兩獺祭魚人立而拜

寒食清明在客途。片帆漂泊老無廬。松楸方念無人掃。忽見江邊獺祭魚。

虎丘尹和靜書院示開講

從前聽者少
是日聽者衆

和靜書堂八面開。新分半席在山隈。若無人聽都歸去。傳語生公借石來。

爲九華王此山賦寧石

此山有寧石
我玉之詩

我謂此山天作石。石不是石人不識。千年野鶴獨見君。石上採芝石上喫。

關山月

霜下月色白。沙飛月色黃。征人此暴露。未有不辛傷。滿野燭髀骨。依山魚鴈行。祁連與瀚海。慘淡更蒼茫。

赤壁歌

赤壁山。赤壁水。江有蛟龍。野有蛇虺。天蒼蒼。雲茫茫。周瑜於此走曹操。聲名萬古隨風長。

君乘黃

君乘黃。臣乘青。二乘先後如流星。君乘黃。金漆照鏡。臣乘青。竹織作櫺。道逢相揖失恭敬。君乃傴僂莊其形。世人多認車與笠。交道如此今猶馨。

天高高

天高高兮色青青。夜沈沈兮星熒熒。不知余命何所繫兮何星。

採桑曲

晴採桑。雨採桑。田頭陌上家家忙。去年養蠶十分熟。蠶姑只著麻衣裳。

樵歌三首

上山斲山山丁登。下山嵌山山稜層。秋殘日暮歸來晚。茅簷洗腳月又明。明朝早入芙蓉城。入城不識公與卿。行歌道上旁無人。衣衫藍縷鶉百結。與妻索笑妻生嗔。那知不是朱買臣。山坳築著牧牛兒。白石鑿鑿蒙茸披。繆公無人甯戚死。獨吹鶯栗誰得知。不如採樵同路歸。

讀馮道傳

西山有薇。二子採之。二子竟死。薇不療飢。匪惡周粟。食不下咽。君臣義重。彼蒼者天。爾道何人。數主一身。有何顏面。冠冕搢紳。喬固諸賢。寧死道邊。曹操不帝。清議凜然。

短歌行

覽鏡摩抄。歲月蹉跎。道長命窄。憂慮如何。何以消除。非酒莫祛。醉來不見。醒復如初。跼蹐鏘鏘。孔孟皇皇。何非何是。孰劣孰強。日出杲兮。月出皓兮。無風無雨。可以同攜。人生朝露。保不及暮。青青纍纍。皆是墳墓。天機轉深。轉用勞心。不如坦蕩。驅遣光陰。

飲馬長城窟

飲馬長城窟。下見征人骨。長城窟雖深。見骨不見心。誰知征人心。怨殺秦至今。北邊風打山。草地荒漫漫。五月方見青。七月霜便寒。古來無井飲。齋帶糧盡乾。自從征人掘此窟。戍馬飲之如飛翰。朝呷一口水。暮破千重關。秦皇極是無道理。長城萬里誰能比。

鄂州南樓

淳祐六年冬十月。我來獨自。上南樓。曉霧江山都不見。霧收日出城東頭。照見漢陽樹。照見鸚鵡洲。浪濤江漢出岷峽。洞庭雲夢天共流。大船如龍捲寒碧。小船如葉飛洪溝。費禕霞珮跨黃鵠。洞賓玉笛橫清秋。沈寥突兀不可狀。開闔風雨晴煙浮。空中一一都照見。照見今來古往絲粟無限愁。夜郎逐客心膽大。醉

欲槌碎醒又休。此山此水長不老。英雄消盡山水留。何當大雪夜。明月摩挲老眼看九州。春風吹雪變紅綠。牛羊被野邊無憂。

洞庭君山辭

時附成蜀船行

山爲君兮水爲臣。水爲臣兮象爲兵。君有定位兮兵無定形。知山知水兮知君臣之性情。不知師不知比兮。又奚知用兵之精。余經山之外兮。觀山水之杳冥。佳氣葱鬱兮。或天香而龍腥。燁雲變化兮。或狗狀而人形。風濤洶湧兮。或崖立而天平。或夕陽兮漁歌。或曉霜兮鐘聲。或雪下兮鴈叫。或夜半兮鼉鳴。或仙人張樂兮。霞珮之駢駢。或神丁從駕兮。車騎之鱗鱗。冬寒春暖兮。湖草幾番之青青。今來古往兮。人物幾代之廢興。嗟余行役兮。顧鬢影之星星。無由登山臨水兮。與鷗鷺盟。北風吹袂兮。又將之荆。徘徊不忍去兮。聊以歌而行。

辭弔富沙梨山大王祠

唐詩人李頴也

梨山之陽兮。有廟煌煌。州人祭享兮。醜酒椎羊。王之未死兮。守土此方。王之既死兮。州人不忘。建山之峭兮。建水之長。建杭之粲兮。建茗之香。州人禱福兮。王錫吉祥。魂之來歆兮。雲旗央央。蛇虎遁伏兮。松桂芬芳。梨花燁燁兮。王之甘棠。自古詩人兮。憔悴異常。王之爵位。何啻于唐。昔駕五馬兮。今衣袞裳。詩人之窮兮。詩人之昌。

招魂酌翁賓陽

君之在世帝敕下。君之謝世帝敕回。魂之爲變性原返。氣之爲物情本開。於戲龍兮鳳兮。神氣盛。噫嘻鬼兮歸兮。大塊埃身可朽。名不可朽。骨可灰。神不可灰。采石捉月。李白非醉。耒陽避水。子美非災。長孫王吉。命不夭。玉川老子詩不俳。新城羅隱大奇特。錢塘潘閔終崔嵬。陰兮魄兮曷往。陽兮魂兮曷來。君其歸來。故交寥落更散漫。君其歸來。帝城絢爛可徘徊。君其歸來。東西南北不可去兮。君其歸來。春秋霜露令人哀。花之明。吾無與笑。葉之隕。吾實若摧。曉猿嘯。吾聞淚墮。宵鶴立。吾見心猜。玉泉其清可鑒。西湖其甘可杯。孤山暖梅香可嗅。花翁葬薦菊之隈。君其歸來。可伴逋仙之梅。去此又奚之哉。

所南翁一百二十圖詩集自序

昔嘗序湯西樓先生壯遊集云。天地之靈氣爲人。人之靈氣爲心。心之靈氣爲文。文之靈氣爲詩。蓋詩者古今天地閒之靈物也。吾生也冥頑。其不靈於詩。不靈於文。不靈於心。不靈於人也。久矣棄物。若然者。孤枯枯。迂迂踈踈。是誠不靈不然也。以其不然不靈也。凡有求皆不作。絕交游。絕著作。絕倡和。漸絕諸絕。以了殘妄爾。今或遇圖而作。或遇事而作。而或者又欲俱圖之。胡然乎。乃然彼不然。然而然。恣不絕其絕。而絕於不絕。以無作作其所不作。將欲靈夫不靈之靈。以爲靈。其靈靈乎。其不靈靈乎。此其所以滿目青山綠水。垂笑於無窮無窮無窮也耶。

本館據知不足齋
叢書本排印初編
各叢書僅有此本

所南翁一百二十圖詩集

宋 鄭思肖撰

黃帝洞庭張樂圖

天水相涵萬象清。咸池真樂妙無垠。太音豈在九霄外。有意聽時卻不聞。

堯民擊壤圖

百姓相忘堯帝春。耕田鑿井澹無情。只今正是何年月。日日月從東向生。

巢父洗耳圖

萬事喧喧雜響中。細參巢父意無窮。須還半掬溪邊水。方始教君耳不聾。

許由棄瓢圖

天下搖頭不肯爲。恰如瓢挂老松枝。許由不在箕山在。千古高風屬阿誰。

呂望垂釣圖

八十翁翁心尙孩。渭濱癡坐弄徘徊。當初若是逃名者。誰要文王上釣來。

夷齊西山圖

輪扁諫讀書圖

輪扁釋椎開口諫。國君據坐展書開。古人糟粕終枯淡。誰醉天然滋味來。

卞和泣玉圖

太璞中函天地精。卞和抱出愈分明。一番別足一番哭。哭殺世人無眼睛。

甯戚飯牛圖

斯人豈是飯牛者。浩歎空懷扣角悲。說到漫漫長夜處。南山白石也攢眉。

孺子濯纓圖

秋影澄澄湛碧波。濯纓人遠意如何。臨風歌罷飄然去。賣弄滄浪清處多。

葉公畫龍圖

神物難傳變化時。葉公眼外泄天機。一從親見真頭角。滿手風雲雷電飛。

孟嘗君度關圖

狐白裘邊事若難。孟嘗門下亦何顏。若無益智翻身去。半夜焉能度此關。

屈原九歌圖

楚人念念愛清湘。苦憶九歌頻斷腸。只道此中皆楚國。還於何處拜東皇。

屈原餐菊圖

扣馬癡心諫不休。既拚一死百無憂。因何留得首陽在。只說商家不說周。

老子度關圖

紫氣東來壓萬山。老聃吐舌笑開顏。青牛車外天風闊。搖動當年函谷關。

紀昌貫蝨悟射圖

從來絕藝欲超倫。何止彎弓用意深。戲破微塵微極處。忽開大地見紅心。

鍾子期聽琴圖

一契高山流水心。形神空靜兩忘情。似非父母所生耳。聽見伯牙聲外聲。

伯牙絕弦圖

終不求人更賞音。只當仰面看山林。一雙閒手無聊賴。滿地斜陽是此心。

榮啓期三樂圖

生死悠悠付老天。啓期三樂亦超然。此身不得爲男子。空活人間九十年。

伯樂相馬圖

冀北羣中不可留。如龍走地絕無儔。何勞伯樂一相顧。抹過西風數百州。

莊子夢蝶圖

素來夢覺兩俱空。開眼還如闔眼同。蝶是莊周周是蝶。百花無口罵春風。

秦女吹簫圖

弄玉飄飄僊女姿。鳳凰低舞久相期。簫中應有別一曲。飛出青天影外吹。

湘靈鼓瑟圖

霧質煙姿雪月心。凌波無跡似多情。試聽誰在湘江上。髣髴秋風曲數聲。

毛女圖

六國傾城輦入秦。深花密柳鎖青春。神仙自有長生路。豈是阿房宮裏人。

徐福採藥圖

僊藥長生不易求。僊山可在海東頭。祖龍滅盡諸侯後。徐福卻來嬴一籌。

青門種瓜圖

百二山河勢莫當。咸陽誰付與高皇。盡嫌嬴政鮑魚臭。爭慕邵平瓜圃香。

漢高祖將韓信圖

先入關中得計多。彭城永是漢山河。不操擒縱英雄手。韓信何由肯倒戈。

張子房遇黃石公圖

三度橋邊伺老僊。始將兵法盡相傳。不知躡足此一計。還出書中第幾篇。

四皓圖

誰念三閩久陸沈。飽霜猶自傲秋深。年年吞吐說不得。一見黃花一苦心。

范蠡扁舟圖

鳥喙無情柰若何。功成只合理漁蓑。躍身吳越興亡外。一舸江湖風月多。

毛遂脫穎圖

十九人中不數君。當機勇辯獨超羣。若非末後脫穎出。爭得英風潑楚雲。

魯欷器圖

此心安分卽逍遙。無欲何愁外境搖。纔有秋豪失中正。一杯水亦不能消。

列子竊鉄圖

宇宙茫茫盡坦塗。莫將得失自相辜。胸中若有一些子。大地山河俱竊鉄。

秋胡子圖

卽歸猶未到家中。豔語勾春妾面紅。耐耐相逢不相識。梅花那肯戀東風。

西施捧心圖

蕩盡吳王醉後春。化爲頻笑豔精神。當胸一點痛得別。直是妖嬈惱殺人。

驪山老姥磨鐵杵欲作繡鍼圖

欲化龜蛇生聖胎。驪山微意孰能猜。純鋼一塊都磨盡。不信纖毫眼不開。

翟公交情圖

翟公冷語久逾新，漢世交情古亦今。不被死生貧賤轉，此時方始見人心。
朱買臣賣柴圖

年當五十始榮華，覆水難收重歎嗟。豈信後來春色別，滿柴擔上盡開花。

二疏東門祖帳圖

昔日賢哉二大夫，東門祖帳耀通衢。太平時節獨先去，闔國人知此意無。
嚴君平垂簾賣卜圖

多是垂簾自養神，僅能了日即安貧。不離忠孝談玄妙，豈是尋常賣卜人。

王初平牧羊圖

兄弟參商四十春，金華山裏問斜曛。相逢不是牧羊客，白石巔頭冷笑君。
西王母蟠桃宴圖

玄圃筵開物外春，萬仙歡笑動精神。蟠桃種子今猶在，誰是三千年後人。

嚴子陵垂釣圖

新莽紛紛未有涯，桐江山水頗爲嘉。無心偶向一絲上，釣得清風滿漢家。
袁安臥雪圖

曄曄紫芝巖石隈。避秦有地似蓬萊。可憐白髮坐不定。又被漢朝呼出來。

周亞夫細柳營圖

細柳營中作略殊。寧容直入驟先驅。不因一見入門訣。文帝何曾識亞夫。

李廣射石虎圖

怪石蹲身草莽中。錯疑猛虎噴腥風。何消重費將軍力。只在當頭一箭功。

董仲舒不窺園圖

西漢諸儒君最醇。無人見面意應深。三年盡力窺經史。一旦看花了古今。

蘇武牧羊假寐圖

十九年閒墮渺茫。飢來齧雪齒生香。一心只夢飛歸國。雙眼何曾看見羊。

蘇李泣別圖

同爲武帝一時人。忠逆分違感慨深。早信子卿歸漢去。淚痕滴滴黃金。

司馬相如題柱圖

初上昇仙何慷慨。重來衣錦頗從容。男兒意氣當如此。透過禹門方是龍。

張騫乘槎圖

牛女宮中事若何。親身曾得上天河。逢人莫說支機石。漏洩蒼蒼意已多。

王衍舉阿堵物圖

口不言錢早不同。何須相試苦相攻。今朝叱去阿堵物。一室玲瓏分外空。

竹林七賢圖

清談何補晉江山。誰與中原了歲寒。惟有白雲三四片。飛來自向古琅玕。

王子猷看竹圖

秋沁徽之骨亦清。翠光如水漾空明。只圖一見此君面。誰更問人閒姓名。

王子猷訪戴圖

雪夜懷人泛剡谿。造門而返是還非。不會相見猶相見。滿載清風獨自歸。

阮籍醉眠酒家圖

少婦當壚應怪人。陶陶一覺了殘更。無情不作如花想。夢見醉鄉生月明。

劉伶荷鍤圖

酒國韶光無際涯。大人境界絕朋儕。生來自有一方地。何待醉終纔始埋。

戴安道破琴圖

獨抱洋洋太古心。王門何苦欲相尋。狂來寧可破琴去。不許俗人聞此音。

畢卓甕閒圖

飛玉堆寒二丈過。杜門僵臥養天和。不愁屋外六花大。但覺胸中清氣多。

高鳳讀書漂麥圖

癖愛詩書苦未休。肯將俗事挂心頭。等閒痛快語言外。那見雨來和麥流。

張天師飛昇圖

玉局曾經拜老君。子孫今尙寶玄文。要知龍虎山前意。但看空中數片雲。

王粲覆碁圖

鴉鷺爭飛局局殊。便生國手亦難圖。未曾落子有一著。王粲還能覆得無。

先主三顧草廬圖

抱膝高吟梁甫時。臥龍致雨未爲遲。若無三顧草廬意。剖出心肝賣與誰。

孔明出師表圖

一身英氣射光芒。北定中原事轉長。落得兩篇出師表。至今只是漢文章。

孔明成都入陣圖

孔明抱義恥偏安。不道中興事業難。賴有石頭知落處。任從人換八門着。

王祥臥冰圖

母病杯羹意未諧。解衣竟欲臥冰開。有心直透清波下。安得無魚躍出來。

車武子聚螢讀書圖

武子耽書不暫忘。練囊終夜照淒涼。讀來讀去東方白。笑殺流螢數點光。

陸績懷橘遺母圖

獨薦霜丸意不安。誰供甘旨侍團欒。驀然憶著孃生面。萬樹黃金盡喜歡。

吳隱之飲貪泉圖

外物終難換肺腸。隱之請介頓生狂。便教飲盡貪泉水。只覺通身白雪香。

郝隆晒腹書圖

七夕庭中羅綺乾。鄰家應是鄙儒冠。文章滿腹無人識。鋪與青天白日看。

陶淵明三逕圖

老氣蒼寒松樹活。閒情幽淡菊花開。一條古路無人走。還且與誰相往來。

陶淵明對菊圖

彭澤歸來老歲華。東籬儘可了生涯。誰知秋意凋零後。最耐風霜有此花。

王孝伯痛飲讀離騷圖

名士天生磊落才。只耽痛飲罄樽壘。誰傳一味解醒法。歌斷離騷眼自開。

許真君飛昇圖

醉玉頽來欲化仙。一窪和氣藹芳妍。終宵自向華胥去。吏部何曾甕下眠。

孫康映雪讀書圖

孫康苦志惜居諸。雪夜無燈興有餘。冷地白光生破屋。自然開眼見詩書。

張翰思蓴鱸圖

名爵雖榮心最苦。蓴鱸有味食無厭。後來京洛風塵暗。轉覺吳淞江水甜。

孫楚枕流漱石圖

孫楚匆匆誤荅時。說來頗與事相違。枕流漱石翻爲妙。活弄胷中倒一機。

庾亮登南樓圖

老子情懷頗滑稽。登樓恰喜月明時。雖然於此興不淺。要且諸人知不知。

周處除三害圖

一朝周處奮英豪。三害皆除豈憚勞。若是不能降自己。縱屠龍虎不爲高。

王羲之蘭亭圖

猶記蘭亭三月三。流觴曲水暢清酣。分明一段永和意。好向羲之筆外參。

桓伊三弄圖

傾蓋相逢不問誰。知音那肯露心機。一聲吹破清秋影。驚散閒雲各自飛。

唐明皇遊月宮圖

玉仗飛行馭太空。須臾徑到廣寒宮。三郎胷次無高見。落眼蟾蜍光影中。

李靖天瓢圖

夢裏騎龍出八荒。掃空熱惱作清涼。不消數滴天瓢雨。淨洗娑婆透骨香。

王勃滕王閣記圖

王勃清才俊不禁。爛鋪豔錦賞知音。空餘高閣青雲裏。誰識落霞秋水心。

狄仁傑白雲親舍圖

駐馬回頭眺碧空。河陽在望去匆匆。吾親雖舍白雲下。豈出梁公一念中。

孟浩然歸隱圖

明主憐才若賜官。奔馳微祿負家山。狂吟一首笑歸去。滿路秋光上醉顏。

李太白硯鞞圖

斗酒未乾詩百篇。篇篇奇氣走雲煙。自從捧硯脫鞞後。笑看唐家萬里天。

杜子美茅屋爲秋風所破歌圖

雨捲風掀地欲沈。浣花溪路似難尋。數間茅屋苦饒舌。說殺少陵憂國心。

杜子美騎驢圖

鐵柱遺蹤尙儼然。五陵後必出羣仙。當時謔姆說甚麼。四十二人都上天。

孫登長嘯圖

碧眼空空照九州。阮公不是我同流。劃然長嘯誰聽得。獨有蘇門山點頭。

王烈餐石髓圖

五百年方開此山。寒光浮暖溼而乾。明明正是洪濛髓。只恐凡人不肯餐。

桃源圖

長城徭役苦咨嗟。澧水偷春隱歲華。有耳不聞秦漢事。眼前日日賞桃花。

爛柯圖

日出樵柴日落歸。幾年黑白夢紛飛。看來直待斧柯爛。始悟老仙碁外機。

延平躍劍圖

白晝平津湧似雷。盡驚靈物出塵埃。倒翻三尺揮空去。對舞雙龍破浪來。

陶宏景三層樓聽松風圖

宏景岑樓插太清。萬龍捲翠響泠泠。此心不出三界看。一片秋聲何處聽。

文選閣圖

太子奢華能幾年。盡將春夢付荒煙。錯聽古調一兩拍。空嗅斯文數百篇。

張志和漁父圖

若雪春深花滿谿。一鉤翻動碧琉璃。蓑衣笠笠儘有意。不到斜風細雨知。

藍采和踏踏歌圖

踏踏歌中天地開。紅顏春樹莫相催。藍袍轉破轉奇特。別看仙人舞一回。

鍾呂傳道圖

鍾呂喃喃手指空。應談玄牝妙無窮。都來造化只半句。不在丹經文字中。

呂洞賓賣墨圖

鍊就玄玄一塊金。朝磨暮寫愈精神。先生此墨初無價。不識誰爲買墨人。

沈東老遇呂洞賓圖

東老忘懷相遇時。洞賓爛醉以爲期。聊題不涉毫端句。早被石榴皮得知。

巴山橘中圖

剖破渾淪一殼寬。二仙飛去已雲端。須知橘裏封疆別。莫作凡閒勝負看。

中秋苦雨趙知微登天柱峯賞月圖

人愛中秋月色同。忽驚涼雨翳昏鐘。如何只隔一重膜。不見仙家天柱峯。

南柯蟻夢圖

飯顆山前花正妍。飲愁爲醉弄吟顛。突然騎過草堂去。夢拜杜鵑聲外天。

子美孔明廟古柏行圖

諸葛甘棠歲月深。霜皮黛色鬱沈沈。尙垂清蔭蜀國裏。一樹風霜千載心。

韓昌黎祭鰐魚圖

朝奏空言暮遠途。藍關飛雪漬衣裾。豈期去國八千里。此意猶能化鰐魚。

柳子厚賦寒江釣雪圖

空玄影外渺孤舟。不與漁翁意思侔。萬頃風濤一天雪。且看誰解下金鉤。

盧仝煎茶圖

月圓片片吐蒼煙。破帽籠頭手自煎。七椀不妨都喫了。恁開笑口罵羣仙。

陸龜蒙茶竈筆牀圖

笠澤往來無定期。煮茶垂釣醉吟詩。一船清致終難畫。不是散人應不知。

公孫大娘舞劍圖

纖手生風攪晝寒。好花翻影豔清歡。試看不犯鋒鋞處。舞碎晴空雪一團。

張果老倒騎驢圖

云是堯時丙子生。狂蹤怪跡恣幽情。拗驢面目不須看。一任騎來顛倒行。

李伯時所畫太一真人蓮葉舟圖

天上真人妙出神。聊乘蓮葉下南冥。若人欲識空涼境。但誦薰風一卷經。

無名氏巡簷數脩竹圖

四簷玉立碧重重。終日相看眼亦空。何啻數來千萬个。不知那個弄清風。

一百二十圖集終

錦錢餘笑二十四首附

或問錦錢者何義。曰以錦爲錢者雖美觀。實無用也。

有時發一笑。清於萬壑冰。有時吐一語。濁於三月春。所以天地閒。不著如是人。任之波波走。永劫長沈淪。昔有古先生。忒殺不啣溜。拈得一枝花。失卻一張口。白晝叫不醒。徒爾打筋斗。若欲了此意。但飲一杯酒。晚年闔閭國。僑寓陋巷屋。屋中無所有。事事不具足。終不借人口。伸舌覓飯喫。以此大恣縱。罵人笑吃。山中一溪水。絕與衆水別。不解飲清風。只解醉明月。一片清冷意。活動流不徹。何勞濯纓人。再三苦饒舌。我家南山南。日月最相愛。清光潑面來。只是無人買。我昔買得之。翻手恣買賣。山北諸草木。也只得禮拜。佯狂真佯狂。踏碎東風影。一任東風吹。花意亂不定。鬧鬧人叢中。人人喚不應。借問老先生。莫教是姓鄭。頭戴爛紗巾。腳踏破鞵底。不知以何道。琮瑋宇宙裏。或恐是達人。毋乃是癡子。我亦欲問之。面冷似鐵。我有一句子。朗朗最分明。問水水亦笑。問石石亦噓。獨有老枯樹。聞之彌精神。從此開笑面。惱殺天下人。

忘了堂堂六尺身。鬼花生豔幻微春。絕憐蟻窟無分曉。迷盡古今多少人。

崔護覓水圖

哭斷東風轉有情。俄驚滿面笑容新。當時飲水今猶醉。別是桃花半點春。

倩女離魂圖

有心誰怕鐵爲牆。直透虛空未易量。若問合離真僞事。滿池綠水笑鴛鴦。

崔智韜虎妻圖

佳人睡覺失青山。惡毒心腸賣笑顏。認得皮毛一歸去。花枝無豔虎全斑。

玉川長鬚赤脚圖

慣立煎茶屋角頭。低眸頻候雪花浮。一奴一婢亦作怪。不爲先生破屋愁。

陳搏睡圖

五季干戈亂似麻。慵將醒眼閱年華。齟齬一覺華山裏。誰問春開幾度花。

逋仙探梅圖

雪壓咸平處士家。凍雲鎖暝苦相遮。欲知天上春消息。只覓南枝第一花。

蘇東坡前赤壁賦圖

泛舟赤壁痛銜盃。孟德英豪安在哉。何似江山風月妙。不從自己外邊來。

何待死方休。卽今骨已朽。奇特動天地。也擲向背後。咄這臭矢囊。恣情開大口。幾番說得風。驚落虛空走。

嘯強數十年。只弄一枝筆。筆是無根花。日日常結實。千萬萬顆。顆顆如紅日。日日採將來。布施十方佛。
 蒼蠅亦奇哉。腹內矢何物。黑者變爲白。白者變爲黑。不換人活眼。何以化流俗。我來閻浮提。卻喜無此術。
 一火陶鑄來。莫不皆完具。豈有一造化。而勞別父母。可憐生盲者。當面不辨主。此猶甚無數。唾汝化爲土。
 不怕明日死。且喜今日活。拍響浪敲擊。飛譴訊挑撻。直送雙眼去。天外破毫末。盧都橫上脣。口門八寸闊。
 三三卽九九。數之何曾有。九九非三三。拈來不用參。滿頂髮鬢鬢。滿面骨巖巖。不知死日至。只是弄癡憨。
 巉巖巖谷中。盡謂是白石。一見一摩挲。老眼滴寒碧。絕無一點香。蒼頂直堅立。當道橫黃金。惜哉無人識。
 叫笑舞荒唐。面上生雪霜。一咪呵呵笑。赤腳走四方。明月忽見憎。憎我太枯清。我亦罵明月。罵月弄光明。
 每愛入深山。最怕石路惡。剖樹斫木屐。堅欲護雙腳。卽忙著將來。步步革落落。從教世上人。罵我錯錯錯。
 二十餘年來。非不喜飲酒。近日青天癡。也逐世人走。罵詈古冰雪。讚歎新花柳。安得不獨行。鼻角插入口。
 飄飄山中行。與雲同出沒。飢來餐生石。入口細無骨。滿吻流甘香。不嚼而味出。幽禽獨賞音。數聲不可忽。
 生來好苦吟。與天爭意氣。自謂李杜生。當趨下風避。而今吾老矣。無力收鼻涕。非惟不成文。抑且錯寫字。
 昔者所讀書。皆已束高閣。只有自是經。今亦俱忘卻。時乎歌一拍。不知是誰作。慎勿錯聽之。也且用不著。
 突然出身來。撥卻青天轉。擊破古洪濛。碎作七八片。片片生春風。散作花柳面。面面冷眼笑。何處不相見。
 頑絕絕頑絕。以笑爲生業。剛道黑如炭。誰知白似雪。笑殺娑婆兒。盡逐光影滅。若無八角眼。豈識四方月。
 叫賣沒底有。有價不敢道。拾得一塊泥。勝如萬塊寶。如此至鶻突。直不是老草。逢人但點頭。好好好好好。



集 綃 翦

集 斝 李

剪綃集目錄

卷上

謫仙吟

公無渡河

長安春

行路難

塞上北風行

吳娃歌

致酒行

採蓮婦

溪上春

秋閨思

京洛篇

夢上天

空城曲

短歌行

蒿里曲

烏夜啼

公無出門

少年行

遠別離

銅雀妓

江南息

折楊柳

秋夜曲

出塞

老婦吟

寒女歎

怨詩二首

卷下

過臺城

金陵春日

寒食日花讌

湖上贈新得意者

惆悵詩

初夏偶賦

宿建溪

夏日松陵道中

秋晚泊吳江塔院寄王抱節

漁人野祭

酬左行之金陵夕遊

書山居女冠繡樓

雪 二首

三街道中

天城貴家妓

送通上人謁賈寺丞

與鄭澹然

送黃中入吳門

桐江客舍酬客

春日詠懷 二首

南郭晴步

送人歸雪城

遊法華寺

贈野廟祈雨老巫

秋日得鄭茂弘書

採藥翁

出元符宮逢雨

金陵送客

江西秋日送客遊洞霄

楓橋晚泊

秋夜長

題郵亭

玉山客夜

僧房聽琴

山居老將

送林貢君歸閩

送景道士還山

贈琴客

宮怨

画松

村舍

越中清明

寄茅山講莊子道侶

重寄

重宿吳林居園亭逢雪

遣興

牡丹

三月晦日畱客

夜坐

子規

偶作

遠客愁

欲殘牡丹

牡丹中白牡丹

浙江晚渡

西陵旅夜

寄西山僧

姑蘇晚泊聞吹鷓鴣

偶作

竹

鷺

贈琴僧楊堅

江寺老技書

荅江南友人

都市月下逢吳伯言

丹陽道中

紅樓女

清隱樓

辛卯江西秋日

友人山齋

寒食

野岸花

再遊茅山任宗師上菴

句容道中卽事

代野老作

道傍古松

塞上曲

塞下曲

送春 二首

秋曉聞蟬

馬塋賣花者

漁父

贈費道士

春夜

古觀

過烏衣巷

宿破寺

翦綃集目錄

剪綃集卷上

荷澤李龔和父集唐人句

謫仙吟

空白凝雲頰不流
牧龍丈人病歌秋
尋詩北嶺截珠樹
老夫饑寒龍爲愁
呼龍耕烟種瑤草
若爲失意居蓬島
泓泓水遶青苔洲
鯉魚風起芙蓉老

李賀

陳陶

陳陶

李賀

李賀

陳陶

陳陶

李賀

公無渡河

屈平沉湘不足慕公無渡河兮公苦渡行搔短髮提
壺漿玉白蘭芳不相顧驚波不在黥黥間顏色錯
漠生風烟其下無底旁無邊何用將身自棄捐

李賀

王叡

李咸用

温飛卿

齊己 盧仝

白居易

王建

長安春

春欲來日日望春門早開花臺欲暮春辭去禁城
烟暖蒸青苔齷齪浮生如走電客舍似愁誰遣來
夜夜抱冰寒不睡流光暫出還入地門外平橋連

柳堤落花聲裏仙娥醉

王建

李賀

韋

莊

陳

陶

羅鄴

元稹

張籍

溫

飛卿

莊

南傑

行路難

君不見長安城北渭橋邊
長安惡少不少錢
飛窓複道傳頭飲
金鯨瀉酒如飛泉
春風細雨走馬去
鳴鞭晚出章臺路
半坐衫袖揖金吾
誰道黃金如糞土
床頭黃金盡中門
爲異域骨肉且不顧
促刺復促刺
世路有趨競人無一定顏
何處是平地
暗

水自波瀾君不見建章宮中金明枝春花落盡蜂
不窺雙輪晚上銅梁雪當春對酒不須疑行路
難君好看

盧照鄰

高適

李賀

溫飛卿

杜牧

韓翃

施肩吾

貫休

張籍

聶夷中

盧仝

王建

錢起

孟郊

顧况

薛能

崔顥

賀蘭進明

翁綬

張絃

齊巳

塞上北風行

北風叫枯桑玉沙粼粼光天寒山路石斷裂駐馬

相看遼水傍軍容帶甲三十萬都護寶刀凍欲斷
旄頭夜落捷書飛少年金紫就光輝

孟郊

李賀

張籍

王建

高適

岑參

王維

張祜

吳娃歌

洞庭明月一千里芙蓉水殿春風起殘絲欲斷黃
蜂歸鴛鴦翡翠承燕私露脚斜飛溼寒兔越王金
鷄報天曙官街柳帶不堪折謝豹空啼采香月

李賀

陳陶

李賀

陳陶

李賀

陳陶

李賀

陳陶

致酒行

零落棲遲一杯酒綠凸蠻觥奉君壽湖花江月前
後鄰寒風又變爲春柳離鸞別鳳烟梧中曦輪送
客溝水東霜白松溪轉斜蓋世間何處無春風

李賀

陳陶

陳陶

李賀

李賀

陳陶

陳陶

李賀

採蓮婦

採蓮女採蓮婦落日晴江裏蓮舟漸覺稀蓮莖有
刺不成折爭弄蓮花水溼衣白練束腰袖半捲不

語低鬟幽思遠碧玉搔頭落水中粉痕零落愁紅
淺

閻朝隱

王勃

劉方平

崔

顥

孟

遲

王昌齡

張

籍

毛熙震

白居易

温飛卿

溪上春

黃璈散珠層殿曛東方風來滿眼春龍蛇洗鱗春
水暖薇帳逗烟生綠塵古人花爲今人發溪女洗
花染白雲赤水闔風誰是主西山日沒東山昏

陳陶

李賀

陳陶

李賀

陳陶

李賀

陳陶

李賀

秋閨思

征人遙遙出古城
天河夜轉漂迴星
銀縷香寒鳳凰薄
樹色深含臺榭情
雨滋苔蘚侵堦綠
爲有秋期眠不足
城邊殘月勢如弓
月下丁東擣寒玉

張籍

李賀

陳陶

温飛卿

岑參

王建

高適

韋莊

京洛篇

東望龍門北朝市
甲第千甍分戚里
朱門峩峩臨

九衢垂柳金絲香拂水毗陵震澤九州通董賢女
第在椒風周公舊跡生紅蘚九泉寂寞葬秋蟲

蘇頌

王勃

韋應物

李賀

杜審言

崔國輔

李咸用

莊南傑

夢上天

馭鳳昇崑崙夢上高高天雲樓半開壁斜白蓬萊
宮殿玉爐烟春羅書字邀王母綠章封事諮元父
鴻瓏九關朝玉皇大道無言暗相許身不沉骨不
重半空回首晨鷄弄寒綠幽風生短絲春雷蟄蟄

龍蛇動

孟郊

元稹

李賀

陳陶

李賀

李賀

陳陶

陳陶

齊己

溫飛卿 李賀

陳陶

空城曲

玉轉濕絲牽曉水 昔日住人今住鬼
東家蝴蝶西家飛 星流露泫誰驅使
秋風吹地百草乾 兔死詞人去不還
誰念幽寒坐鳴呃 長憶深雲海上山

李賀

陳陶

李賀

陳陶

李賀

陳陶

李賀

陳陶

短歌行

日月出又沒貴賤同一塵求榮不求辱利欲相紛
綸鯨魚張鬣海水沸擬學長生更容易不知中有
長恨端秦亾祖龍失天地野草白根肥鳳雛長忍
饑人生過五十何用假光輝四時相催節回換烏
頭雖黑有白時一尊綠酒綠於染有歌有舞聞早
爲庭前芳樹朝夕改可歎年光不相待

曹松

皎

然

子

蘭

權德輿

李

賀

貫

休

韋應物

陳陶

溫飛卿

李群玉

聶夷中

于瀆

顧況

白居易

李咸用

王建

李嶠

張東之

蒿里曲

古人今人畱不住六街馬蹄浩無主喪車麟麟入
秋草丘壠年年無舊道天娃剪霞鋪曉空幽愁秋
氣上青楓寒食家家送紙錢紙錢那得到黃泉

陳陶

李賀

張籍

王建

陳陶

李賀

張籍

王建

烏夜啼

衆鳥各歸枝落花香滿泥狹斜柳樹鳥爭宿夜夜
夜半當戶啼浮萍搖蕩門前水九節菖蒲石上死
感郎中夜渡瀟湘恩光暗入簾櫳裏

聶夷中

崔道融

李端

王建

楊巨源

李賀

劉方平

溫飛卿

公無出門

天迷迷地密密海漫漫身若倉中鼠遲回出門難
大道冥冥不知處小人心裏藏崩湍我亦爲君長
歎息炊沙作飯豈堪喫棘針生猛義路閉太華磨

成一拳石不懼天地傾
津涯浩難識龍蟠泥中未
有雲封狐雄虺自成群
人生結交在終始細人何
言入君耳
歸臥東窓兀然醉任他
上是天下是地

李賀

白居易

曹鄴

陳陶

貫休

齊己

溫飛卿

顧况

劉義馬

異王

王建

高適

張籍

駱賓王

賀蘭進明

鮑溶

李頎

羅隱

少年行

丈夫十八九
驄馬拂繡裳
倒插銀魚袋
陪遊出建

章醉下酒家樓軒車滿坐楊君王正年少無人薦

馮唐

邵謁

陶翰

李

廓

李嶷

韋莊

于濬

司馬扎

曹鄴

遠別離

太湖三山口中
有西行舟望望
不相近望中生
遠愁重露溼蒼
苔秋風散楊柳
空藏蘭蕙心離
恨如旨酒碧紗
窓外葉騷騷三
更風作切夢刀
千里萬里獨爲
客少年心事風
中毛

皎然

沈佺期

邵謁

于武陵

李端

顧况

韋莊

貫休

徐凝

施肩吾

張籍

李咸用

銅雀妓

淚眼看花枝齊行奠玉杯日暮銅雀迴歌舞妾空
來悲心舞不成恨唱歌聲咽君王去後行人絕但
見西陵慘明月

李賀

梁瓊

王適

沈佺期

朱光弼

朱放

程長文

李咸用

江南思

妾家白蘋浦柳暉乘馬歸恰值清風起朱服弄芳
菲離居不自堪畱情此芳甸臨醉欲拚嬌惡許傍
人見相逢恐相失徘徊雙明璫歸時不覺夜要使
兩情傷

溫飛卿

李賀

陸龜蒙

劉希夷

宋之問

李端

李商隱

丁仙芝

崔國輔

劉昫虛

張仲素

韋應物

折楊柳

萬里邊城地坐楊二月春年華枝上見日暮客愁

新露葉疑啼臉風花息舞巾玳梁誰道好持此寄
情人

韋承慶

張祐

歐陽瑾

孟浩然

盧照隣

劉憲

李商隱

張九齡

秋夜曲

秋夜長殊未央秋燈向壁掩洞房天漢東西月色
光啼蛄吊月鈎欄下寒衣未寄莫飛霜

王勃
李賀

王建
王維

張籍

出塞

單于寇井陘進軍飛狐北沙昏夜探遲遠樹深疑
賊胡霜損漢兵不妨得頭白功成須獻捷會勒燕
然石

王昌齡

陶翰

張籍

貫休

沈佺期

于濆

崔顥

竇威

老婦吟

萬轉愁成繫腸線青畝春蕪連石苑爲他人作嫁
衣裳頭白如絲面如蠶

施肩吾

溫飛卿

秦韜玉

王建

寒女歎

國色久在室寒女不自知安得長不老爲君玄髮
衰我有古時鏡一照一回悲

于瀆

曹鄴

薛耀

司馬札

朱晝

邵謁

怨詩二首

綠蔓花綿綿日晚梧桐落所息終不來蟲聲入羅
幕

鮑溶

薛奇童

于瀆

崔國輔

洞房秋月明玉關芳信斷含怨倚蘭叢日驚羅帶

緩

張修之

劉元濟

吳少微

李華

翦綰集 卷上

--	--	--	--	--	--	--	--

剪綃集卷下

荷澤李龔和父集唐人句

過臺城

雲慘烟愁苑路斜
馬嘶殘日沒殘霞
繞籬野菜飛黃蝶
宮殿餘基長草花

孟 遲

曹 鄴

長孫佐輔

張 喬

金陵春日

登臨吟望思無窮
折盡青青賞盡紅
白鳥影從江

樹沒數峯春色在雲中

貫休 薛能

劉滄 李咸用

寒食日花讌

萬象鮮明禁火前
紅英翠萼簇芳筵
殘春未必多
風雨少別穠華又隔年

溫飛卿 劉兼

鄭谷 韋莊

湖上贈新得意者

湖上新正逢故人
天明騎馬入紅塵
憑君莫話封

侯事栲栳量金買斷春

嚴維

王建

曹松

盧延讓

惆悵詩

覺來燈背錦屏空
自愛殘粧曉鏡中
寂寞閑庭春欲晚
坐楊無力受東風

王之渙

元稹

劉方平

李咸用

繡林紅岸落花鈿
目極雲霄思浩然
漳浦病多愁易老
滿庭榆莢似秋天

劉兼 温飛卿

司馬札 雍陶

初夏偶賦

野烟喬木弄殘暉
虛室無人乳鷲飛
正是清和好時節
青叢花盡蝶來稀

羅隱 劉商

韋莊 司空曉

宿建溪

樹侵閩嶺漸無霜
一望繁花一縣香
寂寞舟中誰借問
隔簾微月入中倉

黃滔 盧綸

郎士元 歐陽詹

夏日松陵道中

烟岸人稀草色中
火天無處買清風
西南一望雲和水
萬樹鳴蟬隔斷虹

鄭谷 施肩吾

竇鞏 李商隱

秋晚泊吳江塔院寄王抱節

雨後沙虛古岸崩
水風霜氣夜稜稜
冷烟粘柳蟬聲老
高堦晴來獨自登

陸龜蒙 白居易

杜荀鶴 鄭谷

漁人野祭

婆官賽却坐江隈烟水悠悠霽景開精魄不知何處在野風吹起紙錢灰

李夢符 趙嘏

常雅 吳融

酬左行之金陵夕遊

宮城日晚度寒鷗新意雖多舊約賒商女不知亾國恨恨君嗔折後庭花

劉滄 許渾
杜牧 薛能

書山居女冠繡樓

一渠流水數家分
絃管樓中永不聞
燈下此心誰

共說紫烟衣
上繡春雲

項斯 趙嘏
清塞 鮑溶

雪二首

細玉羅紋下碧霄
縈叢自學小梅嬌
閑吟只愛煎
茶澹旋斫生柴帶
葉燒

羅隱 秦韜玉

薛能 杜荀鶴

密片無聲急復遲
夜來誰向月中歸
江湖不見飛禽影
寒鎖侯門見客稀

方干 王初

杜荀鶴 劉義

三衢道中

桂玉愁居帝里貧
南行無罪似流人
橘村籬落香潛度
漸覺生衣不着身

李群玉 杜荀鶴

姚合 王建

天城貴家妓

龍山晴雪鳳樓霞
烟水初消見萬家
寶枕坐雲選
春夢隔簾微雨溼梨花

李商隱

竇鞏

李賀

呂溫

送通上人謁賈寺丞

進乏梯媒退又難
近因多難怕長安
相知莫話詩
心苦乞取新詩合掌看

羅隱

吳融

薛能

劉禹錫

與鄭澹然

曾是朱門寄食身，
一生生計祇長貧。
清閑自可齊三壽，
他日相逢乞藥銀。

杜荀鶴

賈島

李咸用

清塞

送黃中入吳門

行到鱸魚鄉裏時，
一宮花渚漾漣漪。
看春又過清明節，
更把愁心說向誰。

項斯

陸龜蒙

竇常

杜荀鶴

桐江客舍酬客

一片離心白羽輕
桐廬江上晚潮生
客來吳越星霜久
身賤多慙問姓名

高

蟾

李郢

郎士元

盧綸

春日詠懷二首

客舍青青柳色新
溼雲如夢雨如塵
經年抱疾誰來問
萍梗何年是住身

王維

崔

魯

賈島

李群玉

春陰初過海棠時病起遙聽百舌兒縱有芳樽心
不醉落花如雨淚胭脂

薛能

盧

全

許渾

沈亞之

南郭晴步

春城無處不開花南陌晴雲稍變霞高下麥苗新
雨後不教閑地着春華

韓

翊

李端

杜荀鶴

吳融

送人歸雪城

江籬初綠怨騷人且向東溪種白蘋別恨最深何
處寫數株殘柳不勝春

劉長卿

李建勳

李端

劉禹錫

遊法華寺

野寺尋春春已遲青山一路鳥空啼何人爲倚東
樓柱可有文詞詠碧鷄

李涉

李華

杜牧

吳融

贈野廟祈雨老巫

桑條無葉土生烟
上德由來合動天
銅鼓祭龍雲
塞廟對花歌詠似狂顛

李約

方干

劉兼

張籍

秋日得鄭茂弘書

野燒空原盡荻灰
逐臣千里寄書來
蟲聲竟夜引
鄉淚舊館秋陰生綠苔

劉滄

盧綸

戎昱

賈至

採藥翁

滿頭霜雪背青山百歲身心幾日閑異果奇花香
撲面往來惟在酒徒間

貫休

戎昱

王穀

盧綸

出元符宮逢雨

水流黃葉意無窮倚棟星開牛斗宮風入古松添
急雨暮程還過秣陵東

皇甫冉

陳陶

盧肇

韋莊

金陵送客

鴈行高送石城秋，客散紅亭雨未休。
日暮征帆泊何處，楚雲湘月憶同遊。

沈彬 岑參

孟浩然 許渾

江西秋日送客遊洞霄

一葉梧桐落半庭，暮猿千曲玉峰青。
不知白髮誰醫得，仙侶無何訪蔡經。

薛能 陳陶

高蟾 張賁

楓橋晚泊

水濶風高日復斜
鷺鷥繚繞入人家
船頭繫箇松根上
霜葉紅於二月花

左 偃

周 繇

皮日休

杜 牧

秋夜長

丹鳳城南秋夜長
殘蟬急處日爭忙
如何銷得淒涼息
水色簾前流玉霜

沈 佺期

吳 融

李九齡

徐 凝

題郵亭

荆卿雄骨化爲塵
春草秋風老此身
行盡江南數千里
未曾逢着獨醒人

陸龜蒙

劉商

岑參

杜牧

玉山客夜

暫憑尊酒送無寥
香印風吹字半銷
明月斷魂清藹藹
桑林蠶後盡空條

李商隱

許渾

高蟾

李頻

僧房聽琴

帝鄉群侶杳難尋
禪息何妨在玉琴
紅葉間飄籬
落迴幾曾牽破別離心

李群玉

楊巨源

朱慶餘

齊 巳

山居老將

腰間寶劍七星文
不下青山老白雲
門外碧潭春
洗馬鎮南人憶杜將軍

王維

武元衡

韓翃

楊巨源

送林貢君歸閩

曉山初霽雪峰高魚釣牛簑且遁逃晝夢不成吟
有興便攀龍眼醉香醪

許渾

羅隱

李中

章碣

送景道士還山

古羅衣上碎明霞自說歸山人事賒金鼎藥成龍
入海定知仙骨變黃芽

陸龜蒙

羅鄴

黃滔

戴叔倫

贈琴客

一寸心中萬里愁七條絲上雨條條此心不向常
人說彈作薊門桑葉秋

王周

賈島

羅袞

韓翃

宮怨

得寵憂移失寵愁上皇行處不曾秋淚痕不學君
恩斷空逐春泉出御溝

李商隱

長孫翺

劉媛

司馬扎

画松

画松一似真松樹
小手篇章徒爾爲
荒齋幾度僧
眠起認得巖西最老枝

景雲

杜荀鶴

清塞

竇庠

村舍

渚烟深處白牛蹄
稚子焚枯飯客遲
風動葉聲山
犬吠今朝出郭不相隨

句空圖

錢起

王建

張籍

越中清明

柳色千家與萬家
閑身行止屬年華
殘花落日小
齋閑幾箇春舟在若耶

武元衡

薛能

趙嘏

王翰

寄茅山講莊子道侶

不用燒蘭望玉京
人間無事不曾經
大椿枯後新
爲記從許人間小
兆聽

鄭璧

李咸用

皮日休

陸龜蒙

重寄

竹杖芒鞋稱野情
醉鄉無貨没人爭
近年已絕詩
書癖誰問山中宰相名

無則

皮日休

張賁

陸龜蒙

重宿吳林居園亭逢雪

小隱西亭爲客開
舊題詩句沒蒼苔
銀河風急驚
沙度酒作凌澌火作灰

許渾

鄭谷

李咸用

姚合

遣興

春色何因向酒疎
画簷愁見鷺
歸初不知獨坐閑
多少釋悶還拈架上書

姚合 徐凝
來鵬 隱巒

青嶂青溪直復斜
水天狼籍變餘霞
朝來逢着山中伴
騎馬城西檢校花

顧况 薛逢
趙嘏 王定

牡丹

一年生意屬流塵
萬葉紅綃剪盡春
希逸近來成

懶病落時青帝合傷神

李商隱

盧士衡

溫飛卿

唐彥謙

三月晦日畱客

莫爲輕陰便擬歸
殘花應逐夜風吹
共君今夜不須睡
正是王孫惆悵時

張顛

李昌符

賈島

溫飛卿

夜坐

雨收殘水入天河
樓上美人凝夜歌
一點新螢報

秋信故園寥落近滄波

王定

許渾

賈島

鄭谷

子規

吳王舊國水烟空
墳塚高低落照紅
帶月莫啼江畔樹
幾人遊宦別離中

陳羽

李群玉

李中

杜牧

偶作

獨立空山冷笑春
不須歌調更含嚙
平原累累添

新塚死者還曾哭送人

崔魯

薛能

雲表

歐陽詹

遠客愁

五湖烟水接遙天
子夜新聲何處傳
少婦不知歸未得
思量大是惡姻緣

裴瑤

顧况

盧弼

裴誠

欲殘牡丹

寥落衰紅雨後看
艷多烟重欲開難
氛氲蘭麝香

初減裊露陰霞晒不乾

元 稹 羅隱

李建勳 方干

牡丹中白牡丹

春風吹我入仙家香勝燒蘭紅勝霞別有玉盤盛
露冷天教晚發賽諸花

劉 兼 白居易

陶元名公 劉禹錫

浙江晚渡

繡轂香車入鳳城春風猶放半江晴潮聲歸海鳥

初下一片傷心画不成

羅隱

方干

劉滄

高蟾

西陵旅夜

漁曲飄秋野調清
半窓殘月帶潮聲
不知短髮能
多少一夜新添白數莖

陸龜蒙

雍陶

韓偓

王叡

寄西山僧

門掩松邊雨夜燈
門前岐路自崩騰
誰知獨夜相

息處曾看菴西瀑布水

齊己

貫休

廉氏

鄭谷

姑蘇晚泊聞吹鷓鴣

紅暎高臺綠遶城
蒨衣菱女画橈輕
誰家玉笛吹殘照
更聽鈎輶格磔聲

趙嘏

殷文珪

劉兼

李群玉

偶作

心如野鹿迹如萍
只願陶陶不願醒
楚國蕙蘭增

悵望雨中嵐影洗還青

羅隱

韋莊

陳陶

楊奇鯤

竹

錦籜飄零粉節深
萬竿如束翠沉沉
子猷沒後知音少
忍剪凌雲一寸心

殷文珪

李涉

羅隱

李商隱

鷲

一巢功績破春光
短羽新來別海陽
千里春風正

無力落花徑裏得泥香

王 崑 滕白

溫飛卿 鄭谷

贈琴僧楊堅

窓中早月生琴榻獨閉山門月影寒澗水松風生
十指冰囊敲碎楚金盤

方干 顧况

隱巒 薛壽

江寺老校書

振鷺翔鸞集禁闈一生只着一麻衣湘宮水寺清

秋夜猶擁青編獵是非

唐彥謙

貫休

皎然

陳陶

荅江南友人

却笑孤雲未是閑
書來未報幾時還
江南無限蕭家寺
名画偏求水墨山

施肩吾

竇鞏

陸暢

鄭谷

都市月下逢吳伯言

水亭山寺二年吟
月下相逢辯語音
無限春愁莫

相問一年不見一年深

杜荀鶴 盧綸
趙嘏 雍陶

丹陽道中

漠漠野田空草花柳塘煙起日西斜
村園門巷多相似竹裏纒絲挑網車

錢起 鮑溶
雍陶 李賀

紅樓女

三三五五結同心夾巷重門似海深
坐怨玉樓春

欲盡不知歌舞用黃金

施肩吾

吳融

崔顥

盧綸

清隱樓

清隱仙書小篆文挂簷數片是秋雲平郊遠見行人
小石路泉流兩寺分

鮑溶

良

又

岑參

權德輿

辛卯江西秋日

舉目雲山要自迷千門萬戶鞠蒿藜數州城郭藏

寒樹况復時聞烏夜啼

李嘉祐

唐彦謙

李遠

賀蘭進明

友人山齋

寂寂寥寥楊子居
自收雲藥讀仙書
雲深路僻少人到
養靜資貧兩有餘

駱賓王

張籍

周朴

白居易

寒食

一年惟此兩三辰
落拓東風不藉春
歌酒家家花

處處何曾紫陌有閑人

熊孺登

李山甫

白居易

羅鄴

野岸花

紅枝欲盡紫枝殷
少有行人輟棹攀
芳草隴邊回首客
肯將榮落意來看

盧綸

羅鄴

殷堯藩

吳融

再遊茅山任宗師上菴

一片仙雲入帝鄉
寒嵐依約認華陽
玉池露冷芙蓉

蓉淺過客空來禮影堂

賈至

皮日休

許渾

魏信陵

句容道中卽事

秋風漠漠吐寒雲
田熟家家將賽神
山下女郎歌

滿野一雙長箭繫紅巾

賈島

張籍

曹鄴

王建

代野老作

浮世浮名能幾何
青山滿眼少年多
有時捫蝨獨

搔首目送歸鴻笑復歌

杜荀鶴 李端

李 頎 錢起

道傍古松

寒流石上一株松一半死皮藏蠹蟲石馬雙雙當

古樹龐眉書客感秋蓬

盧仝 朱灣

耿湜 李賀

塞上曲

賀蘭山下陣如雲擬報平生未殺身誰道古來多

簡策古來名將盡爲神

王維

王建

耿漳

劉禹錫

塞下曲

都護今年破武威
磧煙烽火夜深微
金釵漫作封侯別
白髮生頭未得歸

皎然

江爲

沈彬

令狐楚

送春二首

三月惟殘一日春
豈知惆悵有閑人
隨風未辯歸

何處斜日橫窓起暗塵

令狐楚

杜牧

姚合

趙嘏

百和初薰越布衣
一年春盡送春詩
滿庭芳草坐成恨
貧過長安櫻筍時

韓翃

杜牧

劉滄

鄭谷

秋曉聞蟬

聲引秋絲逐遠風
月輪移出上陽宮
病來旅館誰相問
玄髮侵愁忽似翁

劉兼
李九齡
趙叡
杜牧

馬塏賣花者

十里宜春下苑花
濃香染着洞中霞
採夫移得將何處
擔入宮城許史家

唐彥謙
韓偓
劉言史
吳融

漁父

罷釣歸來不繫船
坐看秋水落紅蓮
江鮮野菜桃花飯
高唱夕陽孤島邊

司空曙 施肩吾

李群玉 沈彬

贈費道士

強梳蓬髮整斜冠
夜聽步虛山月寒
縮地往來無定所
洞天誰道却歸難

陸龜蒙 顧況

護國 唐求

春夜

日日白斜空
醉歸敗裘披
苦見毛稀杜鵑啼
斷回家
夢夢掃蘆花
絮客衣

劉象 陸龜蒙
劉言史 張蠙

古觀

仙觀曾過知不遠古壇春雨蘚生磚
行逢買藥歸來客誰解登高問上玄

朱慶餘 若虛
項斯 鄭谷

過烏衣巷

王謝風流滿晉書東南一望可長吁
平蕪隔水時飛燕更有何人在此居

羊士諤
李建勳

羅隱
方干

宿破寺

耻將興廢問休公道似危途動卽窮
冷極睡無離
枕夢榻邊沽酒半罍空

温飛卿
杜荀鶴

羅隱
許渾

剪綃集卷下

和父堂遂唐僧弘秀集十卷序云編流砥柱
苑規澗甘自負不潔向免其害集不可得
偶從白門友人得上方緝集二卷古集唐人
崔向請錯具備如出一手所謂巧奪天孫
矣古堂毛晉後